



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-066-4/26**

Datum: **10.04.2026. godine**

„Agencija za vodno područje rijeke Save“ Sarajevo, rješavajući po zahtjevu investitora Službe za investicije i komunalne poslove općine Vogošća za izdavanje rješenja o prethodnoj vodnoj saglasnosti u svrhu izvođenja geološko-geomehaničkih istražnih radova a za potrebe izrade Glavnog projekta mosta preko rijeke Bosne i saobraćajnice prije i poslije mosta, ukupne dužine cca 300 m u naselju Svrake, na osnovu člana 129. stav 2. Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

ZAKLJUČAK

Obustavlja se postupak po zahtjevu investitora Službe za investicije i komunalne poslove općine Vogošća za izdavanje prethodne vodne saglasnosti u svrhu izvođenja geološko-geomehaničkih istražnih radova a za potrebe izrade Glavnog projekta mosta preko rijeke Bosne i saobraćajnice prije i poslije mosta, dužine sa mostom cca 300 m u naselju Švrake, zbog odustanka stranke od zahtjeva.

Obrazloženje

Po zahtjevu investitora, Službe za investicije i komunalne poslove općine Vogošća, dana 17.02.2026. godine pokrenut je postupak za izdavanje prethodne vodne saglasnosti u svrhu izvođenja geološko-geomehaničkih istražnih radova a za potrebe izrade Glavnog projekta mosta preko rijeke Bosne i saobraćajnice prije i poslije mosta, dužine sa mostom cca 300 m u naselju Svrake.

Uz zahtjev je dostavljena slijedeća dokumentacija:

- Rješenje o urbanističkoj saglasnosti, broj: 05-19-997/25 od 25.03.2025. godine izdato od strane Službe za urbanizam i prostorno planiranje općine Vogošća – kopija,
- Grafički prilog izdat od strane Službe za investicije i komunalne poslove općine Vogošća,
- Glavni projekat mosta svrake preko rijeke Bosne i saobraćajnice prije i poslije mosta, dužine sa mostom cca 300 m program geološko-geotehničkih istražnih radova urađen od strane Geomax d.o.o. Tešanj (u elektronskoj formi).

Agencija se aktom broj: UP-1/21-1-40-066-2/26 od 24.02.2026. godine obratila investitoru sa zahtjevom za dostavljanje slijedećih dokumenata:

- Aktuelni izvod iz sudskog registra izdat od strane nadležnog organa – ovjerena kopija,
- Uvjerenje o poreznoj registraciji izdato od strane Kantonalnog poreznog ureda – ovjerena kopija,
- Kopiju katastarskog plana izdatu od strane nadležne službe – ovjerena kopija,
- Zemljišnoknjižni izvadak (izdaje nadležni zemljišno-knjižni ured Općinskog suda), ovjerenu kopiju ili original,
- Uplatnicu federalne upravne pristojbe na zahtjev,
- Punomoć zastupnika podnosioca zahtjeva sa e-mail adresom i kontakt telefonom,
- Popunjen obrazac zahtjeva za izdavanje predmetnog Rješenja.

Krajnji rok za dostavljanje tražene dokumentacije bio je 11.03.2026. godine.

Služba za investicije i komunalne poslove općine Vogošća aktom broj: 07-19-sl/26 od 06.04.2026. godine **odustala** je od svog zahtjeva za izdavanje Rješenja o prethodnoj vodnoj saglasnosti u svrhu izvođenja geološko-geomehaničkih istražnih radova a za potrebe izrade Glavnog projekta mosta preko rijeke Bosne i saobraćajnice prije i poslije mosta, dužine sa mostom cca 300 m u naselju Svrake. U obrazloženju akta o odustajanju od zahtjeva navedeno je da je navedena saobraćajnica predata Direkciji za puteve Kantona Sarajevo na održavanje i zaštitu, zbog dotrajalosti mosta i dijela saobraćajnice pristupilo se izradi Idejnog rješenja. Kako je projekat od strateške važnosti za Općinu Vogošća, zatražena je podrška Direkcije za puteve Kantona Sarajevo u ishodovanju potrebnih saglasnosti. Tokom izrade projektnog rješenja, projektant je pribavio sve potrebne podatke, te je iz navedenih razloga investitor odustao od podnesenog zahtjeva.

Na osnovu navedenog, u skladu s članom 129. stav (2) Zakona o upravnom postupku („Službene novine Federacije BiH“, broj 2/98, 48/99 i 61/22), riješeno je kao u dispozitivu ovog zaključka.

Uputa o pravnom lijeku:


Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno, pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr.sc. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.grad.

Dostaviti:

- Općina Vogošća

Služba za investicije i komunalne poslove, Jošanička br. 80, Vogošća,

⊖ AVP Sava, ISV – Vodna knjiga

- Sektor 40, arhiva,

- Oglasna ploča-AVP Sava